



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

31 c Viglius Bischoff zů Trient vnd Marterer.

urn:nbn:de:hbz:466:1-41449

Der XXXI. Tag im Jenner.

Alexandria ist heut der Geburtstag des heyligen
 Marteners Methran/ der wolt auß beselch der
 Hayden/ nicht Gottlose wort reden / darumb ha-
 ben sie ihm sein Leib mit Kolben gar zerschlagen / auch
 sein Angesicht vnd Augen mit spizigen Pfeylen durch-
 graben / ihn auß der Statt gestossen / vnnnd gar zu tod ge-
 stainigt.

Anno Dñi
 253.

Item noch zu Alexandria / der heyligen Marterer
 Saturnini / Thyrsie / Tarsichi / Gelasi / Peliani / vnd
 Victoris / welche alle / da sie des Geislichen stands wa-
 ren / in der Decianischen verfolgung / wie das Gold im
 Feuer / heffig probiert seind / vnd die Marterkron erlan-
 get haben.

Item zu Rom der H. Marterer Cyri auß Alexan-
 dria / vnd Johannis auß der Statt Edissa geboren / auch
 ihrer Mütter Aspasia vnd dreyen Töchtern vnd Jung-
 frauen / welche alle vnder den Kaysern Diocletiano vnd
 Maximiano / vmb das Himilisch Kränzlin / bis in den
 bittern tod gestritten haben. Welche auß beselch der Ty-
 rannischen Kaysern / Diocletiani vnnnd Maximiani ge-
 fangen / in Kercker gelegt / mit Rütten geschlagen / mit
 angezündten Facklen gebrennt / mit Salt vnnnd Eßig
 durchgossen / mit einem härin klaid geriben / darauff mit
 siedendem Bech vbergossen / vnnnd endelich zu Rom ent-
 haupt / haben also ihren Ritterlichen Kampff vmb Chri-
 sti willen vollendet.

Item inn der Statt Trient / des heyligen Trien-
 tischen

tischen Bischoffs vnd Marcerers Vigili / von welchem
am 26. tag Brachmonats weyter.

Item zu Mutina / bey Rauenna / des heyligen Bi-
schoffs vnd Beichtigers Geminiani / welcher daselbst
vonn Edlen Eltern geboren / vonn jugent auff mit kunst
vnnnd tugenten gezieret / vnnnd dem Gottesdienst gar er-
geben / ward wider seinen willen zum Bischoff erwöhlet /
erledigte des Kayfers Ioviniani Tochter vom Teuf-
fel / vnnnd stillt mit seinem Gebett die vngestümig-
keit des Meers. Nach dem er vonn Göttlicher Stim-
berüfft / ist sein Seel vonn den Englen auffgenommen
worden.

Anno Dñi
370.

Item des H. Eboracensischen Bischoffs vnd Beich-
tigers Gaudi.

Item der H. Brüder Iulij vnd Iuliani / welche beyde
vom Kayser Theodosio erlangten / daß sie den Abgötti-
schen Tempel allenthalben zerstöhren / vnnnd Christliche
Kirchen auffbawen möchten.

Anno Dñi
390.

Item zu Ambianis in Franckreich die erhebung der
H. Junckfrawen Vulfie.

Item die erhebung des H. Euangelisten Marci / ge-
schehen von Alexandria auß Egypten gen Benedig / mit
grossen wunderzeichen / zur zeit Kayfers Leontis / vnd des
Herzogs Justiniani.

Item des H. Beichtigers Veronis.

Item der H. Edlen Römischen Witfrawen Mar-
celle / dise verachtete shren Edlen Stand vnd alle weltli-
che pracht / nach shres Ehemanns absterben. Erwölete jr
die stette Keuschheit / Demüth / Armüt / vnd alle Gott-
selige vbung / lag ob der H. Schrifft vnnnd dem Gebett.
Darumb jr leben von S. Iheronymo so herlich gerüh-
met wirdt.

¶

Item

Januarius

Item der heyligen Marterin Triphenis / welche auß herlichem Eyser öffentlich straffete das Abgöttische wesen der Heyden / vnnnd darumb gefangen / inn das Feuer geworffen / an ein Rahm auffgehendet / mit Spizigen Näglen gewlich durchstochen / offte den Wilden Thieren fürgeworffen / vnnnd nach dem sie solliches alles durch **G D E** überwunden / ist sie von eim Ochsen umbbracht worden / damit sie die Marterkron ein mal erlangete.



Zärliche